

院と號す、

〔伊呂波字類抄諸寺〕橋寺

格云、伴寺故僧正行基建立卅九院之其一也、總尋本意爲泉河假橋所建也、而河之爲體、流沙災水橋梁難留、每遭洪水、往還擁滯、仍爲渡入馬云々、

〔續日本紀^{十四}聖武〕天平十三年十月癸巳、駕世山東河造橋。如自七月、至今月乃成、召畿內及諸國優婆塞等役之、隨成令得度、總七百五十人、

〔山城名勝志^{二十}相樂郡〕鹿脊山在木津里東一里半許、山西南半里許、有鹿背山村、瓶原、隔木津川南也、

○按ズルニ、駕世山東河トハ、蓋シ木津川即チヲ指セルモノニシテ、造橋トハ、行基ノ泉河假橋ヲ造リシヲ云ヘルナルベシ、

〔續日本紀^{十六}聖武〕天平十七年五月癸亥、車駕到恭仁京泉橋。于時百姓遙望車駕、拜謁道左、共稱萬歲、是日到恭仁宮、

〔三代實錄^{二十八}清和〕貞觀十八年三月三日辛巳、是日、山城國泉橋寺申牒曰、故僧正行基、五畿境內建立

四十九院、泉橋寺是其一也、泉河渡口、正當寺門、河水流急、橋梁易破、每遭洪水、行路不通、當在道俗合力、買得大船二艘、小船一艘、施人寺家、以備人馬之濟渡、太政官天長六年、承和六年兩度、下符國宰、充

配浪人、守護寺家及船橋、而國吏稱非永例、比年無充、望請重被下知、永配浪人、視護寺家及船橋、太政官處分、依請焉、○又見類聚三代格

〔山城名勝志^{二十}相樂郡〕橋柱寺是木津內大路村東三町許、有律院、是舊跡也、今改號大智寺、額隱元、

大智寺記云、昔聖武帝朝、有大菩薩僧行基者、乘悲願力、廣度衆品、到處營梵刹、造佛像、夷嶮路、架絕梁、山城州木津河、古有大橋、乃基公所創也、歲久頽朽、無人繼造、至弘安間、舊柱猶存、屢現光怪、鄉人異之、

時有興正菩薩、上足慈真者、偶經過此地、聞其事、知必靈材、即取之、命佛工安阿彌造曼殊大士像一軀、